

**Radunanza dals 13-01-2016 a las 20.00**  
**in La Stalla ad Ardez**

**Salüd**

Daniel Franziscus salüda a 23 preschaints, 11 s'han s-chüsats.

1. **Il protocol** da la radunanza generala da l'on passà vegn prelet ed approvà.

2. **Tschernas**

Rico Viletta e Niculin Bickel vegnan elets sco scrutinaduors.

**Tscherna dal president:** Daniel Franziscus ha demischiunà pero el nu n'ha chattà ningün successur. El dà liber la discussiun. Cunquai chi nun aintran ningüinas propostas es **Daniel Franziscus** pront da far amo duos ons president.

**Tscherna dal chaschier:** Marcel ha demischiunà davo 11 ons in carica sco chaschier. El ha chattà a Seraina Caviezel chi füss pronta da surtour la carica da chaschiera. **Seraina Caviezel** vain eletta sco chaschiera unanimamaing.

**Tscherna dal parsura:** Mario Hässig ha demischiunà. Cunquai ch'el nu n'ha chattà ningün successur e cha ningün nun es pront da surtour sia carica es el, **Mario Hässig**, pront da far amo duos ons parsura.

**L'actuar** Armon Schlegel e **l'assesur** Marcus Bonorand vegnan confermats in lur caricas.

**Tscherna dals revisuors da quint:** Robert Giacometti ha demischiunà. Reto Franziscus as mett'a disposiziun e vain eir elet. Reto Strimer vain reelet sco revisuor da quint.

**Tscherna da la cumischiun da sitma da trofeas:** Daniel prelegia las chartas da demischiun d'Arnold, d'Andri e d'el svesa. In la charta da demischiun d'Arnold vain cità aparaintamaing üna part da'l protocol da la sezzüda da suprastanza. Armon, sco actuar, fa attent cha quel citat saja sbaglià e cha ninglur in quel stetta cha „il pertoc“ saja da l'avis cha la tabla da gravuras corretta saja üna piercharia. Daniel Franziscus emischinescha eir.

**Beat Pranger, Emil stecher e Jon Morell** as mettan a disposiziun sco commembers da la cumischiun. Els vegnan elets unanimamaing.

3. **Tschernas da delegiats per la delegiada**

Mario Hässig ed Armon Schlegel vegnan ellets sco delegiats per la delegiada dals 21-5-2016 vi la Val Müstair.

4. **Quint annual**

Il chaschier preschainta il quint annual cun ün gudogn da 692.40 frs.

Reto Strimer prelegia il rapport dals revisuors da quint. Tuot saja in fich bun uorden e correct. Il rapport vegn approvà da la radunanza ed i vain dat dis-charge. Reto Strimer ingrazzcha fich a Marcel davo 11 ons sco chaschier. Cun el d'eira fich flot e simpel da

far las revisiun cunquai ch'el vaiva fich bun uorden. Reto Strimer spera chi saja uschenas eir cun Seraina.

## **5. Rapport presidial**

Daniel Franziscus enumerescha il termins cha la società ha gnü d'ürant l'on scuors ed a che sezzüdas ch'el es amo stat. El ingrazcha a Mario pel Nadal da chatschaders ed a la suprastanza per la lavur praistada.

## **6. Rapport derschader**

Mario ha gnü l'on scuors trais termins per lavurs. Ün da quels d'eira il di da lavur cumüna, als 23 da mai. Quia d'eiran 10 persunas chi han fat lavurs per 1'500 francs. Als 27 da december d'eira la parteciapziun amo meldra, quai cun 27 perusnas al Nadal da chatschaders. Quist on haja la società duos candidats.

Tanter auter as saja in trattativas cun Antonin, il sivicultur nouv, per differentas lavur eir in connex cun ün nouv porget. Details seguiran in prümavaira.

## **7. Mutaziuns**

Orlando Steiner junior sorta da la società cunquai ch'el es uossa in Surselva. Riet Egger sorta sco commember A e reista sco commember B.

Gian Fanzun e Gisep Carpanetti sun sortits.

## **8. Revisiun da la ledscha da chatscha chantunala**

Marcel preschainta e delcer sco prüm las müdadas previssas. El declera eir cha quista revisiun saja ün consequenza directa sün l'iniziativa cunter la chatscha da reducziun.

Davo l'orientaziun vain tut posiziun sün ün questiunar da l'uniun da chatschaders chantunala in connex cun la revisiun. In quel questiunari conferma la società che'lla giaja per gronda part d'accord cun la revisiun da la ledscha chantunala

## **12. Orientaziuns**

Flurin Filli rapporta cha l'uniun chantunala detta gas in lavur publica. Quai cun differentas acziun, tucharöls e flyers. D'ürant la Higa as varaja eir ün stand là e chi chi lessa güdar possa s'annunzchar.

## **13. Varia**

Emil Stecher ha fat üna retschercha plü vasta davart las cifras pel plan da chatscha da nos district. Tenor el füssa da correger quists cifras in giò. Tenor la suprastanza füssa d'ir cun quellas cifras pro Guolf Denoth üna jada e discutir in chausa.

Sco ulteriur punct manzuna Emil Stecher cha la società vess, cun passa 50'000 francs, avuonda finanazs per far investiziuns chi manessan daplü co il fit sün la banca. El propuonna d'invetir in ün sistem politronic i'l tir Urazzas. Tenor la suprastanza saja quai schon güst, e chi's saja eir vi da talas ponderaziuns, pero i saja da spettar sün la sanaziun previssa da l'implant e da far quai in quell'ocasiun.

Il president serra la radunanza a las 22.35

L'actuar Armon Schlegel